

重修恩縣志卷一

天文志 星野 星變

自古帝王御宇莫不欽天故命羲和氏齊七政以測其常保章氏志五物以觀其變則一邑雖小不得謂天道難知畧而弗書也舊志無天文一門列星野於輿地之中入星變於雜志之內茲特別為一卷著之簡端各從其類以便稽考也

星野

禹貢兗州之域天文胃昴畢之次 舊志

恩縣志

卷一

天文志 星野

一

淮南天文訓曰虛危齊營室東壁衛胃昴畢趙

漢志趙地昴畢之分野也北有信都東有清河南

至斥邱

費直周易章句曰大梁起婁十度至畢九度趙分

野

祭筮月令章句曰大梁起胃一度至畢六度趙分

鄭氏周禮注曰元枵齊也諏訾衛大梁趙也

晉書天文志自胃七度至畢十一度為大梁於辰

在酉趙之分野屬冀州

又曰昴畢趙冀州魏郡入昴一度清河郡入昴九度

清類天文分野書云胃四度至畢六度大梁之次也屬趙分冀州今恩縣為趙分

斗樞 石氏星經曰北斗七星其次舍自張而至於角五曰玉衡主趙 後漢志載星經曰璇璣者

謂北極星也玉衡者謂斗九星也玉衡第三星主冀州常以五戌日候之庚戌為清河趙國

五車 象緯考五車在畢宿之旁東北一星曰天

恩縣志

卷一

天文志 星野

二

獄主辰星燕趙分

天市 宋史天文志曰天市垣二十二星其次舍在房心之側東西列各十一星其東垣第十星曰

趙

十二國 宋史天文志曰十二國有十六星其次舍在牛女之下九坎之東一星曰齊齊北二星曰

趙

干支占野 淮南天文訓曰申齊戌趙 又曰乙

酉齊也壬子趙也

按保章氏辨星土鄭氏謂其書已亡堪輿雖有郡國所入度非古數也其存可言者十二次之分而已是編所紀悉遵舊志與山東通志不敢妄爲增減至太陽之出入晝夜之永短節氣之遲速詳見數理精蘊協紀辨方諸書茲不復載星變

漢元帝初元二年五月客星見昴分居卷舌東可五尺青白色焰長三寸占曰天下有妄言者其十二月鉅鹿郡尉謝若男詐爲神人論死父坐免官

恩縣志

卷一

天文志

星變

三

唐懿宗咸通四年十月癸未太白熒惑會於南斗乙卯通中熒惑鎮星太白辰星聚於昴畢趙魏之分詔鎮州王景崇被袞冕軍府稱臣以厭之

宋皇祐五年九月乙亥星出參如太白西北達下至昴沒有尾迹明燭地

嘉祐五年正月辛卯有星出畢大如碗赤黃色速下至天倉沒明燭地尾迹炸烈而散有聲如雷政和七年十二月星出胃東南如孟西北急流至天大將軍赤黃有尾迹照地占曰主天子以金玉

國朝

賞大臣外國有來降者一日主趙分五穀熟

康熙五十九年四月初十日辰時有流星自西南來聲如雷震距城西三十里陳家莊隕石三大小不一

道光元年四月初一日五星聯珠

咸豐十一年五月二十四日彗星見於西北

光緒三十四年六月二十五日亥時有流星自西北來至東南而沒大如碗尾長丈餘光射十里外

恩縣志

卷一

天文志

星變

四

重修恩縣志卷二

輿地志

沿革
古蹟

疆域
邱墓

道路
市鎮

山川
鄉圖

形勝

風俗

方志莫重於輿地必知今日之輿地始可以明前代之沿革恩邑地屬兗州自漢置清河郡隋唐而後遷改靡常至明洪武間始降州為縣雖數罹兵燹而疆域依然山川如故居民見其輻輳風俗近於敦龐則計分土而別方隅徵文考獻當事者不得視為緩圖也迺志地理

歷代沿革

恩縣志

卷二

輿地志

沿革

一

唐虞三代兗州

禹貢註云兗州之域西北距河今恩西北邢趙深等州為大陸實古河所至則為兗州地無疑

春秋齊里邱地

戰國趙地

舊志以縣為平原君封邑按今之恩縣為漢東武城縣地非即東武城治也其平原封邑在武城治內不在此

秦鉅鹿郡

秦并天下罷諸侯地屬鉅鹿郡

漢冀州部清河郡

領縣十四清陽懸題繹幕靈郟

東武城

東漢冀州部清河國

領縣四貝邱東武城郟靈

按建和二年改清河郡為甘陵王國今直隸故城縣去恩舊治三十里有漢甘陵在其城內中丞馬

中錫甘陵辨謂故城舊屬恩州即古貝州清河郡

晉冀州部清河國

領縣六貝邱東武城郟靈清河繹幕

南宋冀州部清河郡

領縣四武城貝邱郟靈

恩縣志

卷二

輿地志沿革

二

北魏司州部清河郡

領縣四武城貝邱郟靈

北齊貝邱縣地

北齊徙清河郡於信城省貝邱縣入清河又改清

河曰貝邱

後周貝邱縣地

周武帝建德六年平齊罷郡置貝州縣屬焉

隋清河郡歷亭縣

隋開皇初清河郡廢改曰清河縣置貝州十六年

析武城置歷亭縣十八年又改東陽為漳南縣屬

貝州大業二年廢州復置清河郡

劉淇曰隋開皇三年盡廢郡以州領縣大業初又改州爲郡置司隸刺史分部巡察復郡之後但云置刺史巡察不云分天下爲幾部且司隸刺史所屬監察御史之屬則是臨時分行非有專治也舊志以清河屬冀州此讀隋地理志之誤也

唐河北道貝州清河郡歷亭縣

唐武德四年復以郡爲貝州六年徙治歷亭八年復治清河天寶間復改州爲清河郡省漳南縣入

恩縣志

卷二

輿地志 沿革

三

歷亭五代晉罷軍於貝州置永清軍節度使

宋河北東路恩州歷亭縣

宋慶歷八年郡人王則作亂命文彥博討之誅則而宥其餘黨乃請命改貝州爲恩州罷節度歷亭仍爲屬建炎後沒於金

金大名府路恩州歷亭縣

金僞齊阜昌五年因河墊溺移州治於歷亭屬大名府路

元山東東西道恩州

太宗七年割恩州清河縣屬大名府又割武城縣屬高唐州恩州惟存厯亭一縣及司候司至元二年縣司俱省入州屬東平路七年以州直隸中書省

明山東布政使司東昌府高唐州恩縣

明洪武二年降州爲縣屬東昌府高唐州七年徙治於縣東四十里許官鎮卽今治

國朝山東濟南省東昌府恩縣

山東通志云明降恩州爲縣屬高唐州

恩縣志

卷二

輿地志 沿革 疆域

四

國朝因之編戶三十七里按恩縣明屬高唐州

國朝屬東昌府不得謂因也

疆域

恩縣在濟南省西北距省一百八十里在東昌府東北距府一百八十里東界平原西界武城南界高唐北界德州東南界平原西南界夏津東北界陵縣西北界直隸故城廣七十里袤四十五里

道路

縣治出東門十二里爲馬頰河河中爲平原縣界

至平原縣界
凡十有三里

出東南隅八里為靳官屯又十二里為許家橋又

東南為平原縣界由此直達禹城至禹城縣界凡六十里

出南門十里為興化舖又十里為津期店店枕河

即馬河外為平原界由此直達高唐州至高唐州凡七十里

出西南隅十里為雷家莊有墩台又五里為陳倉

屯有舖又十五里為雷家集有留憇亭墩台又七

里許為夏津縣界至夏津縣界凡四十里

出西門十五里為兩生莊又十二里為侯王莊又

恩縣志

卷二

輿地志 道路

五

十三里為舊城

即明初縣治古恩州治今城址猶存

又十里許為武

城縣界

至武城縣界凡六十里

出西北隅十二里為楊石莊又十三里為郝王莊

又十五里為張官寺又十里為四女樹濱漕河舊

名安樂鎮又十二里為直隸河間府故城縣界至故

城縣界凡七十里運河西岸

出北門十里為榆林舖又十里為王杲舖又十里

為苦水舖又北為德州界至德州界凡三十里

出東北隅十五里為馬家口馬頰河由此直達陵

縣至陵縣界凡五十八里

山川

西山在縣西四十里舊治境左傑西山晚眺詩云
貝邱何迢遞靈山迴嶇嶽元景停陰壑丹氣靄陽
林蒼蒼秀瑤草唧唧亂鳴禽日夕多更佳賢達幾
登臨巘粵坐銷歇雲物杳深沉城郭嘆非古人烟
嗟至今振策尋遺跡惻惻傷我心幸餘圖牒在悠
然獲所欽天下名勝志

陰山在縣南二十里林木陰濃周匝數里故名今

恩縣志

卷二

輿地志

山川

六

僅有土阜

津期河即馬頰河在縣南二十里舊志云因地名曰津

期涸溢無常不通舟楫按禹貢九河之一有曰馬

頰通志云馬頰河在高唐州西二十里自大名府

頓丘北過朝城又北經莘縣堂邑觀城清平諸縣

界入高唐州境行三十里入夏津界行二十里入

恩縣界又東逕津期橋流寧橋折而北逕夏家莊

許家橋至王家莊在境內行四十里入平原界至

陵縣三官廟會篤河下流至海豐月河口入海通志

或曰卽隋所鑿之永濟渠按元和志在德州安德平原之境則津期爲馬頰所過而與平原接境者也又通志衛河註云在德州城西漢名屯氏河隋疏爲永濟渠又曰御河清河志有永濟渠註云舊名孤女渠引清漳水入界隋煬帝征遼時改名永濟卽御河也則津期爲馬頰無疑或謂永濟渠者誤矣

衛河亦曰御河在縣西北五十里其源出河南衛輝府

輝縣百泉引淇洹二水東北經館陶至臨清與汶

恩縣志

卷二

輿地志

山川

七

上合北過夏津武城縣界入本境起白馬廟至四女樹七十里北注直沽入海卽漕運河也

沙河按通志黃河故道今謂之老黃河自直隸元城入冠縣界北經館陶至臨清踰會通河遶舊城威武門外始有沙河之名經清平夏津界至蘇留莊入本境河形已見水漸流通老黃河東北逕岳覺寺大邢王莊梨行屯苦水舖在本境內行六十五里又東北逕平原下流至海豐大沽入海古屯氏河故道自館陶東北流逕臨清界又東北

流逕清平之北夏津之南又東北逕高唐恩縣界
按元和志謂永濟渠南自汲郡引淇清二水東北
入臨清此渠蓋漢屯氏故瀆也後人緣爲此說清
淇屯氏遂混而爲一以水經注考之屯氏河自大
河決出逕館陶清淵之東而出清河縣之南清淇
逕館陶清淵之西而出清河之北今考衛河所行
自臨清以上則皆古清淇也自臨清以下至清河
縣則古屯氏河也與元和志之言頗合然今衛河
自武城以下又皆清淇所行非屯氏所能至矣

恩縣志

卷二

輿地志

山川

八

漳水按元和志漳水在漳南縣北四十六里按郡
志漳河源出山西一出長子縣曰濁漳一出樂平
縣曰清漳俱經河南臨漳縣合流至館陶入衛與
漕渠合

黑龍潭在津期橋東其深不測世傳有龍居其中
禱雨取水多有應云

白龍潭在津期橋西

龍灣在縣東十二里陳家口南冬夏水不涸居民
獲漁利焉

古泉在儒學明倫堂東側其水淵淵汲之不竭
有本泉在儒學東鐘樓下
善感泉在拱辰門內街東

太僕池在縣治迤南府館後廣約數畝深二丈餘
有魚鱉育其中前爲太僕寺行臺俗呼馬厰灣

高雞泊在縣境西北舊爲漳水所滙廣袤數百里
葭葦茂密可以避兵隋大業九年竇建德使其黨
孫安祖入高雞泊爲羣盜十二年高士達據高雞
泊隋將楊義臣破斬之唐中和中宰相王鐸自義

恩縣志

卷二

輿地志

山川

九

成徙鎮義昌過魏州魏博節度使樂彥楨子從訓
利其裘馬妾侍伏兵於漳南高雞泊殺鐸取其資

今夷爲平陸矣

讀史方輿

洩水渠起大洋灤抵四女樹運河凡闊一丈長二

十里

萬曆二十年河水漲溢滄沒民田二千二百八十頃有奇村疇三十七處次年知縣孫居

相蒞任申請總河軍門舒公允使開渠洩水歸河民免昏墊

古堤口在衛河東岸

西鄰武城地舊築之以障河決者

邑庠生張詔塞堤口議謂堤口西爲武城地狹
而近河其形高東爲恩縣地廣而平行其勢下

故恩築堤口武城疊河岸卽當泛漲彼此俱免
墊溺乃嘉靖間武城民決堤疏水東注以殺河
勢夫彼以鄰爲壑恩力無能迴狂瀾于旣倒獨
不念恤鄰捍患之誼謂何今而後望武城人專
疊河岸恩人修塞堤口兩相利云
雙井在城內十字街西舊有雙井相離尺許甘苦
異味今俱圯

甜水井在縣西南七里相傳明成祖駐蹕飲甘之
因名

恩縣志

卷二

輿地志 山川 形勝

十

恩境四望平行無名山巨川然培塿之阜溝澮
之渠皆一方地脈所關也特志之以壯茲邑而
潭灣池井亦川類因並附焉

形勝

恩居齊趙之交南引諸藩北達神京東抵郡省西
界漕渠西陰聳其奇觀馬頰爲之經帶乃當時之
大郡亦今日之名區雖分合變遷代有沿革而按
籍以稽勝蹟固猶如昨也志之不無興衰之感焉
十景

回鑾行宮

即回鑾殿
詳見下

芹畔曉鐘

學宮東端鐘也每發聲徹幽邈
達郊關遠邇罕儼因以著名

通衢巍閣

在邑北郭外台址高聳棟宇巍峩登覽
闔闔如畦田野如畫下係兩畿九省通

道為穿心

空洞行人往來交錯其中
儼然蓬瀛小景非直一邑奇觀也

貝野長堤

即陳公堤
詳見下

平沙落雁

在縣西二十里因鴻
雁時集沙蘆間故稱

古渡漁煙

在縣東十二里陳家口有古河渡
處烟霞翠靄漁蓑出没景色可玩

西山晚眺

在舊治西土阜崇聳草木蒼鬱
每晡日墜疎林掩映可觀

漳南夜月

在縣西北六十里漳南鎮土阜丈餘每
晦朔夜登眺朗然故名夜月俗傳為劉

恩縣志

卷二

輿地志

形勝

十一

黑闥起
兵臺

虹橋潭影

縣南二十里津期河橋長里許旁為黑
龍潭大雩取水禱祀多靈應其吞天浴

日尤為
美觀

槐蔭清風

在縣西北五十里四女樹鎮又
云四女遺槐俗呼四柳樹誤矣

風俗

土無常俗而教有定式上之率下猶風草也亦視
乎易移者何如耳恩邑俗近敦龐家知禮讓其秀
者習儒業而朴者務農桑乖戾之行大抵皆出於
末流揆厥本始古風固未盡泯也禮云脩其教不

易其俗司民者可不於此加之意哉

正旦雞鳴時舉家夙興盥嗽陳脯醴焚香祀神祭祖先畢長幼序拜親友各詣門交錯以遍日拜年與其親及師長皆先期餽酒禮曰節儀

元宵門戶夜皆設燈以祈年順坊巷結綵燈爆花歡遊竟夕

十六日婦女呼伴出遊走各神宇名曰走百病清明前二日爲寒食登先壠祭奠清明取柳枝插門爲鞦韆戲女新適人者歸禮於家

恩縣志

卷二

輿地志 風俗

三

端陽相餽角黍插艾於門男女戴艾葉曰去疾幼者繫五色索於項腕曰蛇虫不蜇

中元祭先在黃昏儀如正旦然必折麻穀以獻蓋告穡事成也

中秋親友以瓜果相餽送至晚向月設瓜果焚香拜各相聚飛觴玩月

重陽以花糕相餽亦迎女節也

十月一日以綵紙爲裳衣焚於先壠曰送寒衣
冬至祝

聖壽弟子拜師但親友不相拜

臘月八日以五色豆和五穀作粥名曰臘八粥

二十三日夜設飴糖黍糕於竈上婦女率兒童焚

香拜奠祀竈

除夕設冥衣神主陳饌易門神桃符以除不祥兒

童放紙爆

古蹟

閱人爲世遂成古今後之視今亦猶今之視昔也

恩邑向稱名郡英賢棲託不乏勝蹟今雖代遠年

恩縣志

卷二

輿地志 古蹟

三

湮而流聲所被不盡銷沉則傳遺聞於故老弔陳

跡於荒墟一丘一壑皆足發思古之幽情也爰志

古蹟

恩舊城

在縣西四十里城址巋然舊有四坊東曰文德西曰叢桂南曰宣化北曰武安今俱

圮

洞子頭

在城西北五里許相傳宋慶曆間王則據貝州叛明鎬討之爲地道攻其城道始此

今爲村

落云

金完顏右丞故城

在縣南二十里今名古城內與福寺卽舊香火院弘治元年勘

令拆毀未果